

**D. JOSE MARIA BAÑOS CAMPO, SECRETARIO DO EXCMO.
CONCELLO DE MONFORTE DE LEMOS**

CERTIFICO:

Que a Xunta de Goberno Local, na súa sesión celebrada o día 24 de abril do 2017, adoptou entre outros o seguinte acordo:

“5. CONTRATACIÓN E SERVIZOS.

A)CONTRATACIÓN

**A3. CONTRATO MENOR OBRA DE REPARACIÓN DE PAVIMENTO NA
PRAZA DOUTOR GOYANES (EXP. 023-OBRMen17)**

Visto a Providencia da Alcaldía de 19.4.2017 emítese o presente.-

1.- De acordo co disposto no artigo 6 do Rd. 3/2011, de 14 de novembro, polo que se aproba o Texto Refundido da Lei de Contratos do Sector Público (TRLCSP), son contratos de obras *“aqueles que teñen por obxecto a realización dunha obra ou a execución dos traballos enumerados no Anexo I ou a realización por calquera medio dunha obra que responda ás necesidades especificadas pola entidade do sector público contratante...”*.

2.- Pola súa banda, o TRLCSP, regula nos artigos 111 e 138.3, o contrato menor.

De acordo con estes artigos os contratos menores, que se definen exclusivamente pola súa contía, a tramitación do expediente só esixirá a aprobación do gasto, e a incorporación ao mesmo da factura correspondente que reúna os requisitos regulamentariamente establecidos.

Non entanto, no contrato menor de obras deberá engadirse, ademais, o orzamento das obras, sen prexuízo de que deba existir o correspondente proxecto cando normas específicas así o requiran. Deberá igualmente solicitarse o informe de supervisión a que se refire o artigo 125 do TRLCSP cando o traballo afecte á estabilidade, seguridade ou estanquidade da obra. Consta neste senso, proxecto redactado pola Arquitecta-Directora da Oficina Municipal de Rehabilitación D^a. Natalia Díaz López.

Os requisitos esixidos polo TRLCSP, teñen o carácter de mínimos polo que non existe impedimento en que, por parte do órgano de contratación, esíxanse outros en orde a delimitar os dereitos e obrigacións que asumirán as partes do contrato.

Neste senso, a base 33^a das de execución do orzamento do Concello, referida aos contratos menores, precisa que *“cando a contía sexa superior a 1.000 euros e inferior a 18.000 euros, o expediente conterá unha proposta de adquisición razoada, detallada e*

valorada, debendo acreditarse a consulta a tres empresas, polo menos, salvo que resultase imposible ou inconveniente por razóns que deberán acreditarse no expediente”. Respecto deste último, constan no expediente solicitude de orzamento a tres empresas para a execución do contrato.

Por máis abastamento, a citada base 33^a.2 precisa que.- “as propostas de contratos menores deberán remitirse para a súa tramitación ao Servizo de Contratación, para os efectos de comprobar que a persoa física ou xurídica proposta para a execución do contrato estea ao corrente das súas obrigacións tributarias e da Seguridade Social, non estea incurso nas prohibicións de contratar e que en consecuencia reúne as condicións para ser contratista coa Administración Pública, do que o responsable da oficina de contratación deberá deixar constancia escrita no expediente”.

A tal efecto, consta no expediente unha declaración responsable acreditativa das condicións de aptitude e capacidade do contratista, a cal terá os efectos previstos no artigo 61 bis do TRLCSP.

Sobre os efectos da declaración responsable, a Intervención xeral da Comunidade de Madrid no seu informe de 19.7.2007 emitido sobre un procedemento en materia de subvencións, indica que.- *“La declaración responsable, por lo tanto, dado que así lo establece su normativa reguladora y dado que se trata de un supuesto en el que está permitido por la norma sustantiva, es en sí misma, una forma de acreditación de las circunstancias que en ella se recogen, cuya validez para el procedimiento no debe ser objeto de duda, a no ser que existan elementos de juicio derivados de la documentación que obre en poder de la Administración concedente o que sea conocida por ésta, que permitan al órgano al que corresponde su valoración estimar que en la empresa afectada no concurren las circunstancias declaradas”*.

3.- Como xa expuxemos, de conformidade co establecido no citado artigo 138 do TRLCSP, a denominación de contratos menores, o é en consideración ao seu importe, que ha de ser inferior a 50.000 euros, cando se trate de contratos de obras, ou a 18.000 euros, cando se trate doutros contratos.

Estes contratos non poderán ter unha duración superior a un ano, nin ser obxecto de prórroga nin de revisión de prezos (art. 23 ex. art. 89 TRLCSP).

4.- A competencia para contratar, de conformidade co previsto no apartado primeiro da Dad. 2^a do TRLCSP, atribúese ao Alcalde, sempre que o importe do contrato non supere o 10 por 100 dos recursos ordinarios do orzamento. Se se supera a referida porcentaxe a competencia corresponderá ao Pleno. Non entanto, por Decreto de Alcaldía de 18 de xuño de 2015 (BOP nº 160 de 14.7.2016), dita competencia atópase delegada na Xunta de Goberno Local do Concello de Monforte de Lemos.

5.- En todo caso, a presente enténdese condicionada as autorizacións, licenzas ou permisos que sexan necesarios, se é o caso, por aplicación das lexislacións sectoriais, dado que da memoria descritiva das obras non se desprende a súa necesariedade.

Por canto antecede, a Xunta de Goberno Local, adopta por unanimidade o seguinte ACORDO:

PRIMEIRO.- APROBAR o gasto correspondente á adxudicación da execución da obra con cargo á aplicación 153261900 do vixente orzamento xeral municipal.

SEGUNDO.- ADXUDICAR, por “contrato menor”, a execución da obra denominada de “*REPARACIÓN DO PAVIMENTO DA PRAZ DR. GOYANES (EXP.023-OBRMen17)*”, a mercantil *Construcciones Couso Soto, S.L. con CIF. B27186014 e/r D. Luis Couso Soto con DNI. 34250517-K*, polo importe de 7.185,00.-€ aos que habería que engadir 1.508,85.-€ en concepto de IVE (21%) o que fai un total ascendente de 8.693,85.-€ segundo oferta que achega (NRE. 5330/2017 de 17.4.2017)) e quen se obriga o cumprimento do contrato con estrita suxeición ao proxecto redactado pola Arquitecta-Directora da Oficina Municipal de Rehabilitación D^a. Natalia Díaz López.

() A presente adxudicación enténdese condicionada as autorizacións, licenzas ou permisos que sexan necesarios, se é o caso, por aplicación das lexislacións sectoriais.*

TERCEIRO.- COMUNICAR ao adxudicatario que a formalización do contrato deberá efectuarse no máis tarde dos **QUINCE DÍAS HÁBILES** seguintes a aquel en que sexa recibida a presente notificación de adxudicación.

CUARTO.-Unha vez executada a obra, incorpórese a factura e tramítese o pago se procede.

QUINTO.- NOTIFICAR o presente Acordo ao adxudicatario e ao resto de interesados no procedemento.”

E para que así conste e coa salvedade prevista no artigo 206 do ROF, expido e asino a presente de orde e co visto e praxe do Sr. Alcalde, en Monforte de Lemos, a vinte e catro de abril de dous mil dezasete.

Vº e Pce.

O ALCALDE



